



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

學校名稱	:	香港中文大學校友會聯會陳震夏中學
Name of School	:	CUHKFAA CHAN CHUN HA SECONDARY SCHOOL
劇名 Name of Play	:	制裁者
劇作者 Script writer	:	余詩朗、鍾泳桐、巫雙如

故事大綱 Synopsis :

Alice 作為學校風紀隊長，遭到誣蔑，可惜無人相信 Alice 的清白，最後黯然轉校。

兩年後，Alice 的妹妹 Alison 為了找出陷害姐姐的真兇，特意轉校到姐姐的中學。Alison 的出現，一石擊起千層浪，仿如有無形推手，令事件中的暗湧漸漸浮出水面。當年牽涉在 Alice 事件的 Lora · Snow · Bella 三人的關係亦出現變化!

究竟當年的 Alice 事件是誰主使？為何這件事會浮出水面？誰要為事件負責？

校園中的制裁者正在用自己的方式，還校園一份公義。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(燈亮。體育課，同學們圍繞著班長輕聲細語，班長貌似不太情願。)

阿峰：就咁話喇喇班長！

班長：我唔知得唔得喇喎

阿琳：你係咪唔想先？

班長：咁又唔係.....只不.....

老師：係咪拉好筋啦，班長？

眾同學：拉好！

阿欣：Miss，班長有嘢想同你講呀！

老師：咩事呀班長？

班長：啲同學想叫我問下...

阿珊：吓？問咩呀？

(眾同學退後一步，留下班長在前)

班長：喂呀，乜你咁咁！

(對老師) Miss 啫係呢...其實都考完試啦...咁又最後一堂喎...所以...啫係呢...不如呢...

老師：班長，接住。

(老師突然把鎖匙拋向班長。)

老師：我知你哋想打球喇，自己去開儲物室啦，今堂自由活動！

眾同學：多謝 Miss！班長好嘢！

(眾人湧上前開門，儲物室燈區亮起，昏暗中見 Alice 及阿傑躺在地上，靠著對方沉睡。)

阿峰：點解有個人係到？

阿琳：依個咪 head-pre？

(Alice 被吵醒，迷迷糊糊未知發生何事。)

Alice：我係邊呀...？

阿珊：Head-pre，你係到訓咗成晚呀？

Alice：唔係呀...阿傑約咗我...

阿欣：係咪隔離個男仔呀

阿琳：吓，尋晚淨係得你兩個係度呀

阿珊：唔會掛，head-pre 唔係好乖嘅咩？

阿琳：你識人咩？知人口面不知腦呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

眾同學：不知心呀！

阿峰：哦，你意思係佢兩個係到...

阿琳：拿，我見到咩就講咩架

Alice：而家幾多點呀...？

(阿欣靜靜拿出手機拍照。)

老師：做咩搞咁耐嘅？上堂做咩拎部手機出黎玩呀？(靠近 Alice) 你點解係到架？

阿峰：呢度仲有個男仔呀！

阿琳：佢地係到過夜呀~~~

老師：(對 Alice) 係咪真架？你識嗰個男仔架？

Alice：阿傑.....？

阿珊：佢連名都知架。

阿欣：嘩，大新聞呀！等我影多兩張相先！

(眾同學拿出手機拍攝，除班長。)

(眾人繼續拍照，如記者般爭相採訪。)

(老師和班長阻擋人群。)

阿珊：Head-pre 你對依件事有無啲咩具體回應呀???

阿欣：係咪因為做 head-pre 太大壓力啊???

班班：你地唔好咁啦！

阿琳：可唔可以詳細講下你哋點解會喺裏面成晚嘅???

阿峰：你唔回應係咪姐係默認呀？

(老師吹響哨子，眾人停下。)

老師：唔準影！返學唔準帶手機架！即刻返上班房！

班長：唔好影呀，收埋個手機！聽唔聽到老師講呀！

(老師和班長拉走阿峰、阿琳、阿欣、阿珊，留下 Alice 一人。)

(燈轉，Alice 緩緩站起步至舞台中央射燈區。)

Alice：發生咗啲咩事呀？

(主任入。)

主任：應該係我問你先岩呀 Alice，我同你講過幾多次，Head-pre 嘅形像係好緊要架。

Alice：唔係咁架何主任，唔係好似啲人咁講架。

主任：咁你知唔知依家啲同學點講你呀？

(Lora 入。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Lora : Head-Pre 人又靚，讀書又叻，不過可惜唔係校花，係水性陽花呢！

Alice : 我地真係咩都無做過架！

主任 : 你身為 Head-pre，無論讀書定操行都要做到最好！

Lora : Head-Pre 都係咁，咁我地唔止拍拖，直頭埋生仔都得啦！

Alice : 何主任，你聽我解釋吖！係有人約我地去嗰到架，我地一去到就比人困住啦。

(Bella 入。)

Bella : Head-pre 真係 Head-pre，講個大話都唔同啲。

Alice : 我地又餓又渴，咁岩入面有支水咪擺黎飲囉，點知一飲就第二朝啦。

Bella : 我依啲壞學生點敢判評 head-pre 吖，反而仲幾欣賞佢添！

(阿康入。)

阿康 : Alice？

Alice : 阿康？阿康！你要幫下我呀！

阿康 : 你真係做咗啲咁嘅事？

Alice : 我無呀！你最清楚我架，我地小學識到依家...

阿康 : 咁啊傑係你邊個呀？

(雪兒入。)

雪兒 : 我都唔知係咪真架，但聽講呢，Alice 暗戀咗阿傑好耐架啦。

Alice : 係 friend 囉。

阿康 : 係普通朋友？

Alice : 係呀。

阿康 : 咁一係你同人講係阿傑嘅錯啊。

Alice : 你講乜嘢呀？

阿康 : 將個責任推晒俾阿傑咪得囉！

Alice : 但係我唔想喺唔清唔楚嘅情況下亂講嘢喎。

雪兒 : 定係阿傑真係你男朋友？

Alice : 我...我唔想係呢個時候搞到件事更加亂呀.....Sorry 呀阿康。

雪兒 : 我都唔想咁講架...不過阿康，佢當你係兵咋，sorry 呀。

Alice : 你咁姐係唔信我...

Bella : 又好難信得落嘅

(Bella 出。)

雪兒 : 唔好唔開心啦阿康。

(阿康默默地離去，雪兒暗喜，跟著阿康出。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

主任：你暫時唔好做 Head-pre 住，由 second leader Lora 代替。

Lora：係囉～休息下囉～我會做得好好睇睇架啦。

主任：至於你嘅處分.....等校長決定啦，Alice 我真係對你好失望。

(呢度全部出：阿康·Bella·Lora·雪兒)

(何主任·Lora 出。)

(Alice 孤立無援，燈光漸退，把 Alice 吞嚙於黑暗之中。)

(第一場完)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

(同學甲意外被困在儲物室中，Alison 路過。)

同學甲 : (不斷拍門) 救命啊!!! 有無人喺度啊?

Alison : 係咪有人喺度啊?

同學甲 : 係啊救命啊!! 儲物室度門壞左，我反鎖左喺裏面啊!!!

Alison : 咩話? (若有所思)

同學甲 : 快啲啦! (哭) 我...我...就嚟瀨啦.....

Alison : 你忍多陣啊，我去叫校工幫手開門!

(Alison 出。)

(Lora，雪兒分別入，互相看見對方，錯愕。)

Lora : 乜你都係到嘅。

雪兒 : 聽到有人困住咗，咪黎睇下囉。

Lora : 我都係。

雪兒 : 嗯。咁睇下個人有無事先啦。

Lora : (對甲) 我係 Head-pre Lora，岩岩有個 Prefect 話咗我知咩事架啦。

(Lora 嘗試打開門，失敗。)

同學甲 : (VO) Lora? 咁幾時先開到門呀?

Lora : 好快就得架啦，你無事吖麻?

同學甲 : (VO) 有啊，我好急呀，水浸喇!

(Bella 入。)

雪兒 : Bella?

Lora : 你都係到呀 Bella?

(Bella 嘗試強行開門，撞門，拍門，不果。)

Lora : 我叫咗人去搵校工開門架啦。

雪兒 : Bella，唔好咁啦。

Bella : (繼續嘗試開門) 我要救返你出黎.....

Lora : Bella! (嘗試拉著 Bella)。

Bella : (退縮) 我同你唔係好熟架咋。

(三人停下，沉默不語。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

同學甲：點呀？開唔開到呀？

(Alison 帶校工入。)

Alison：麗姐，依到呀。

校工：你地又搞乜呀，咁鐘 h 意困住自己嘅？今次又幾多個呀？

(校工用鎖匙把門打開。)

(同學甲入。)

同學甲：嘩，我幾驚要係到過夜呀！

Alison：你無事就好啦。

校工：我講咗好多次架啦，依道門就鎖匙開，搵啲野頂住佢先好入去㗎。

同學甲：我知呀，我有頂住架。

校工：頂住又點會門到門呢？

同學甲：我都唔知呀，不如換咗個鎖佢啦。

校工：換咗個鎖佢？你不如換咗間學校佢啦！又唔見我會反鎖咗係入面？你地都唔聽人講野嘅。

同學甲：我真係有頂住道門架！

校工：頂住又點會門到門呢？

(兩人頂著嘴出。)

Alison：麗姐不嬲都咁多野講架？

Lora：係呀，唔該晒你。你新黎架？

Alison：係呀，啱啱轉校黎讀中二，我叫 Alis.....。

三人：Alice？

(儲物室燈區亮起。眾人看著儲物室，心中一驚。)

Alison：係 Alison，Alice 係我家姐黎。

雪兒：哦，唔好意思。

Bella：你家姐佢無事呀？

Alison：梗係無啦，學校啲人亂咁傳姐。

Lora：無人想發生啲咁嘅事架。

Alison：又唔洗講到咁，佢比人踢出校姐，又唔係死咗。你地識我家姐嘅？

Bella：識。

雪兒、Lora：唔識。

Lora：你係因為家姐先做 Prefect？

Alison：係呀，我要讀返依間中學，做返 prefect，就係要搵出邊個陷害我家姐！

雪兒：(試探) 佢比人陷害嘅？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Lora : 你咁肯定？証據呢？

Alison : 我好清楚家姐唔係啲咁嘅人。

Bella : 你家姐係無辜架。

Alison : 你地都覺得係？

Lora : (搶先) 我地個個當時都係咁覺得嘅，所以先咁難接受。

雪兒 : 係囉，你接受事實啦。

Bella : 乜事實係咁咩？

Lora : (對 Bella) 無人知個事實係點！(對 Alison) 有咩就搵我地幫手啦，你返去你嘅崗位先。

Alison : 知道，Head-pre。

(Alison 出，離開前回頭看了一眼 Bella，感到有所不妥。)

Lora : (對 Bella) 你無野呀？係咪想一獲熟呀？

Bella : 我忍夠你啲爛鬼大話啦。

Lora : 係我地嘅大話呀，你都有份架！

雪兒 : 你地唔好嘈啦，佢啱啱話要查呀，咁而家點呀？

Lora : 學校都查唔到，佢一個中二生可以查到啲咩啊？

雪兒 : 咁由得佢呀？會唔會有事架？

Lora : 有啲咩事姐，我 head-pre 黎架麻。

雪兒 : 不過...

Lora : 唔好不過啦，你繼續同阿康開開心心咪得囉。

(對 Bella) 我警告你唔好再亂講野呀。

Bella : 我地唔瞞得好耐架咋。

(Bella 出。)

(場二完)